

(Դրոշագ հապէշական ազատագրութեան, բարքեր և սովորութիւններ)

Արդ՝ այս հրովարտակն ետ ի ձեռս այն 20 հապէշից և եղ զնոսա ի հինգ պատրաստեալ նաւան և առաքեաց ի Միւսեմպիկ:

Եւ զնացեալ հասին ի Միւսեմպիկ, և տարեալ ետուն զթագաւորական հրովարտակն ի ձեռս ճէներալ սպարապետին:

Եւ նա մինչ ընթերցեալ ծանեալ զհրաման թագաւորի, խսկոյն ետ հանել ի նաւուց զկահկարասի պատերազմին ի ցամաք և զգօրսն զամենայն, և չու արարեալ ելին ի Միւսեմպիկէն: Բայց քանզի յոյժ տաժանելի էր ճանապարհն, զի ի բարձրաբերձ լեռանց և ի մեծամեծ անտառաց պարտէին անցանել՝ յորս ոչ զոյր ճանապարհ, այլ եւս բազում զետք առանց կամրջի՝ ցելս և ջրաղաշտ դժուարանց գոլով հազիւ ի չորս ամիսն հասին ի սահմանս Կեօնտէրու:

Իսկ այն ապստամբ մահմետականքն որք տիրապետեալ էին զԿեօնտէր, երբ լուեալ զայս թէ Բորթուկէզ Ֆրանկը զան ուրօք թօփերօք, որք յոյժ երկնչէին ի ֆրանկաց և ի թօփից նոցին, զի ինքեսնք ոչ ունէին զթօփս հրացանից, և ոչ եւս զիտէին զգործածութիւնս նոցին, և մինչեւ ցայսօր հապէշը եւս ոչ գործածեն զթօփս:

Ուստի ընդ լսելն, թողեալ զքաղաքն մահմետականք փախեան: Եւ ճէներալն առանց ինչ պատերազմի մտեալ ի քաղաքն տիրապետեցին զԿեօնտէր, և զՍիմոն կամ Գլաւտիօ թագաւորն իջուցին ի լեռնէ անտի ուր են ցեղը թագաւորի, և նստուցին ի յաթոռ թագաւորութեան իւրոյ, որ ի յապստամբութեան մնաց ի ձեռս տաճկաց Կեօնտէր ամս 10: (Թերեւս սովորաւ: Ծ. հր.)

Եւ ապա աստ և անդ հռչակ աւետման առաքէին, և զցրուեալ հապէշսն ժողովէին: Եւ ուր ուրեք հասեալ գտանէին զմահմետական ապստամբեալսն՝ չարաչար կոտորէին և դիաթաւ կացուցանէին զնոսա: Բայց յետ ամաց ինչ թոյլտուութիւն ելեալ է մահմետականաց վերստին զալ և մտանել ի քաղաքն Կեօնտէր, իրբւս ստրուկ դայէ,

և ոչ որպէս յառաջն խոնեալ ընակիլ ընդ քրիստոնէ հապէշից, այլ ի վայրագոյն տեղով միախումբ ընակել և փոքր թուով:

1765 Այլ արդ յորժամ կատարեցաւ ամենայն ինչ և նստաւ Սիմոն կամ Գլաւտիօ թագաւորն ի յաթոռ իւր յիշեցուցանէ նմա ճէնէրալն զխոստումն այնց քսանից անձանց հապէշին, որ ի Հոռմ որպէս զնացեալ առաջի Պապին ետուն զուղղափառ դաւանութիւնս ասելով, թէ մեք ընաւքս ուղղափառ եմք, և ըստ այնմ սրբազան Պապն զրեաց առ Բորթուկէզ թագաւորն իմ, և նա զրեաց ինձ Միւսեմպիկ ճէնէրալիս, թէ յետ առնլոյ զքաղաքն Կեօնտէր ի յապստամբից և տալոյ հապէշից, այլ և ըստ խոստմանց նոցին պարտիս կարգադրել զեկեղեցիս նոցին ուղղափառապէս, նա եւս կացուցես զմի եկեղեցական զլուխ կամ եպիսկոպոս որ ըստ այնմ հովուեսցէ զնոսա:

Յայնժամ Սիմոն կամ Գլաւտիօ թագաւորն և այլք մեծամեծք, և այնորիկ որ ի Հոռմ զնացեալ էին, լի բերանով հաստատէին, և ստուգեցեալ զքանս սպարապետին, ընկալան և կարգադրեցին զամենայն եկեղեցիս ուղղափառապէս: Այլ եւս յիշել ի պատարագի զՊապն Գրիգոր և զԲորթուկէզ թագաւորն Յովհաննէս: Այլ եւս զմինն ի գիտուն և ի պատուաւոր լաթին քահանայից ճէնէրալն ետ խորհրդովն թագաւորի զլուխ նոցա, որ մնացէ անդ և հովուեսցէ զեկեղեցիս նոցին ի դիպուկ ժամու:

Եւ թագաւորն Սիմոն կամ Գլաւտիօ էառ ի պալատ իւր զայն լաթին քահանայն և զամենայն պէտս և զոռճիկն տայր նորին:

Արդ՝ ճէնէրալն յետ ուղղելոյ զթագաւորութիւն հապէշի, և կարգադրելոյ զեկեղեցիս նոցին ուղղափառապէս և յետ անցանելոյ ամաց երկից՝ կամեցաւ դարձ առնել:

Յայնժամ Սիմոն կամ Գլաւտիօ թագաւորն հանդերձ իշխանօք իւրովը պատրաստեցին զչորս ուղտս բռնաւորեալ